

Na osnovu člana 72. Zakona o javnim nabavkama u BiH (Službeni glasnik BiH br. 39/14), člana 7. alineja b) Pravilnika o postupku direktnog sporazuma (Službeni glasnik BiH br. 90/14), člana 10. stav (1) alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-303-2/17. od 08.03.2017. god., ugovorne strane:

**1. KANTONALNA JAVNA USTANOVA „GERONTOLOŠKI CENTAR“ SARAJEVO, ul Aleja Bosne srebrene br.7.**, registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

**2. „TOFI“ doo iz Sarajeva, ul. Nikole Kašikovića br. 7., Sarajevo**, registrovan kod Općinskog suda u Sarajevu (matični broj subjekta upisa 65-01-0742-14, stari broj 1-17048), identifikacijski broj kod Porezne uprave FBiH Kantonalni ured Sarajevo 4200173170002, porezni broj: 01071930, identifikacijski broj obveznika PDV 200173170002, koga zastupa Direktor Elvir Toholj, (u daljem tekstu: Dobavljač)

dana 08.03.2017., zaključuju:

## U G O V O R

### **o nabavci rezervnih dijelova za popravku troetažne pećnice „KOGAST“ za potrebe KJU „Gerontološki centar“ Sarajevo**

#### Član 1.

Dobavljač se obavezuje da će izvršiti **nabavku rezervnih dijelova za popravku troetažne pećnice „KOGAST“ za potrebe KJU „Gerontološki centar“ Sarajevo**, a sve prema zahtjevu Ugovornog organa, broj: 11-303-1/17. od 02.03.2017. godine i prihvaćenoj Ponudi Dobavljača broj 24/17 od 07.03.2017. godine, koji čine sastavni dio ovog Ugovora.

#### Član 2.

Ukupna ugovorena vrijednost predmetne nabavke iznosi **1.624,20 KM bez PDV-a, odnosno 1.900,30 KM sa PDV-om.**

Ugovorne strane su saglasne da ukupna ugovorena vrijednost predmetne nabavke iz stava 1. ovog člana uključuje isporuku i ugradnju rezervnih dijelova.

Ukupna cijena predmetne nabavke, iskazana Ponudom Dobavljača, je fiksna do kraja izvršenja ugovora i ne može se mijenjati.

Ako Dobavljač bez pismenog naloga Ugovornog organa izvrši nabavku skuplje opreme od ponuđene i ugovorene, nema pravo zahtijevati nadoknadu razlike u cijeni.

#### Član 3.

Ugradnju rezervnih dijelova koji su predmet nabavke Dobavljač će izvršiti u skladu sa uslovima i cijenom radnog sata servisera precizirani zaključenim okvirnim sporazumom između KJU „Gerontološki centar“ Sarajevo i „TOFI“ d.o.o. iz Sarajeva, dana 22.06.2015.godine, evidentiran kod Ugovornog organa pod brojem: 09-688/15 od 22.06.2015.god., a kod Izvršioca usluga pod brojem: 6-6/15 od 22.06.2015.god. i ugovorom o vršenju usluga zaključenim dana 22.06.2016.god., između KJU „Gerontološki centar“ Sarajevo i „TOFI“ d.o.o. iz Sarajeva, evidentiran kod Ugovornog organa broj: 10-938/16 od 24.06.2016.god., a kod Izvršioca usluga pod brojem: 7-25-06/15 od 27.06.2016. godine o vršenju usluga održavanja i servisiranja električnih i rashladnih uređaja u vešeraju i kuhinji.

#### Član 4.

Ugovorni organ se obavezuje da će plaćanje ugovorene vrijednosti predmetne nabavke iz člana 2. ovog Ugovora izvršiti na slijedeći način: u roku od 30 (trideset) dana po završetku svih ugovorenih obaveza i obostrano potpisanog zapisnika o primopredaji ugrađene opreme i prijema fakture Dobavljača, na njegov transakcijski račun, broj: 101-000-0071268169, otvoren kod Privredne banke Sarajevo.

#### Član 5.

Dobavljač se obavezuje da će opremu, koja je predmet ovog Ugovora, isporučiti u skladu sa zahtijevanim i odgovarajućim kvalitetom i karakteristikama, prema zahtjevima Ugovornog organa, te da će u slučaju isporuke neodgovarajuće opreme, koja ne udovoljava zahtjevima Ugovornog organa ili opreme sa skrivenim manama koje se nisu mogle odmah uočiti, prihvatiti povrat takve opreme i o vlastitom trošku isporučiti opremu odgovarajućeg kvaliteta i karakteristika.

Dobavljač se obavezuje da će ugradnju predmetne opreme izvršiti stručno i kvalitetno, uz poštivanje tehničkih normi i propisa.

Dobavljač garantuje da će tehnička svojstva isporučene opreme i ugradnja iste odgovarati zahtjevima utvrđenim zakonskim propisima, tehničkim mjerama, normativima i standardima koji važe za predmetnu opremu.

#### Član 6.

Dobavljač se obavezuje da će predmetnu opremu isporučiti na adresu Ugovornog organa, da će istu ugraditi najkasnije u roku od 10 dana od stupanja na snagu ovog Ugovora.

Ukoliko Dobavljač svojom krivicom ne izvrši ugovorene obaveze u roku iz stava 1. ovog člana, dužan je platiti Ugovornom organu, na ime ugovorene kazne, za svaki dan zakašnjenja 1% od ugovorene cijene opreme.

Pored prava iz prethodnog stava, Ugovorni organ ima pravo na naknadu štete, ako je ista prouzrokovana ovim zakašnjenjem.

#### Član 7.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Dobavljač je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

#### Član 8.

Ugovorne strane su saglasne da se po ugradnji opreme zajednički izvrši funkcionalna proba i provjera ispravnosti isporučenih i ugrađenih rezervnih dijelova.

Ukoliko se prilikom funkcionalne probe ustanovi nedostatak kod opreme, Dobavljač se obavezuje da tu opremu zamijeni novom u roku od 2 dana. Ugovorne strane su saglasne da se o tome sačini poseban zapisnik, koji će biti potpisan od strane ovlaštenih predstavnika ugovornih strana.

Ugovorne strane su saglasne da se nakon izvršene ugradnje predmetne opreme i uspješne funkcionalne probe, izvrši puštanje u rad troetažne pećnice, te da se sačini zapisnik o primopredaji ugrađenih rezervnih dijelova za troetažnu pećnicu u kuhinji i da se isti ovjeri potpisima od strane ovlaštenih predstavnika obje ugovorne strane.

Dobavljač se obavezuje da će pri puštanju u rad predmetne opreme dostaviti svu potrebnu dokumentaciju.

Na osnovu zapisnika o primopredaji rezervnih dijelova za troetažnu pećnicu, iz stava 3. ovog člana, Dobavljač će sačiniti račun i dostaviti ga na ovjeru i plaćanje Ugovornom organu.

Član 9.

Ugovorni organ je obavezan da obavijesti Dobavljača o svim skrivenim nedostacima na isporučenoj i ugrađenoj opremi koji se nisu mogli odmah uočiti, i to u roku od 7 dana od dana uočavanja takvih nedostataka, i da zahtijeva njihovo otklanjanje odmah, a najkasnije u roku od 24 sata.

Ugovorni organ se obavezuje da o svim vidljivim nedostacima na predmetnoj opremi odmah obavijesti Dobavljača i da zahtijeva njihovo otklanjanje odmah, a najkasnije u roku od 24 sata.

Ukoliko se radi o neispravnosti isporučene opreme koja se ne može odmah i trajno otkloniti, Dobavljač se obavezuje da će u roku od 2 dana Ugovornom organu isporučiti ispravnu opremu, bez bilo kakvih smetnji i nedostataka.

Član 10.

Ovaj Ugovor stupa na snagu danom potpisivanja ugovornih strana.

Član 11.

Odredbe ovog Ugovora mogu se mijenjati samo uz pismenu saglasnost obje ugovorne strane.

Član 12.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 13.


Eventualne sporove nastale po ovom Ugovoru ugovorne strane će pokušati riješiti dogovorom, u protivnom nadležan je sud u Sarajevu.

Član 14.

Ovaj Ugovor je sačinjen u četiri /4/ istovjetna primjerka, od kojih svaka strana zadržava po dva /2/ primjerka.

DOBAVLJAČ:

Broj: 06-23-03/17  
Sarajevo, 23.03.2017.



*[Handwritten signature]*

UGOVORNI ORGAN:

Broj: 11-303-4/17  
Sarajevo, 08.03.2017. god.

